


JO-ANN CROES REINA JUVENIL 1997



ORANJESTAD(AAN): Sulaika Croes, bisti sumamente bunita despidiendo na un manera espectacular cu e cancion cu el a gana su corona cune na 1996 como reina juvenil di Carnaval, e eleccion di reina juvenil a drenta den momento di tension sperando resultado.

Tabata ocho minuut pa 12 ora cu Sulaika a expre-

sa su palabranan di despedida gradiciendo esnan cu a dune tur colaboracion durante su reinado.

Un discurso precioso cu palabranan masha bunita ricibiendo masha aplauso di publico.

Seguidamente e momento a yega pa e resultadonan por wordo anuncia di e eleccion sumamente precioso cu cada un di e

11 candidatanan brillando riba escenario, un mas cu otro, cu expresionnan juvenil den trahe y simplicidad.

E prome premiacion di anochi tabata pa Best Show y candidata di Santa Cruz, Merelitza Croes a gana e premio aki.

E premio di Best Costume a bay pa Jo-Ann Croes di Aruba Tivoli Club.

Despues a eligi e ganadornan cuminsando cu cuarta finalista cu a resulta candidata di Brasil Melissa Dirkz.

Como di tres finalista a keda eligi candidata di Juliana School, Mary Ellen Stroop.

Segunda finalista tabata candidata di Dakota, Agneta Koolman, y prome finalista a resulta candidata di Merelitza Sta. Cruz, y aki mes ora a bira conoci cu automaticamente un di e favoritanan grandi, candidata di Tivoli, Jo Ann Croes lo a bay cu e corona, locual a bin resulta tambe asina.

Aruba Tivoli Club, un biaha mas a logra corona pa di seis biaha. Ankie